



MALIGAQNUT UQAUHIT

Tapkuat Kavamatkut Nunavut (GN-kut) havalgit ihuaqhutyutinik havaktit piyut, piplugit pihimani aaniagut, aanirniq qanugitniqluniit, havalairniq havaguyanik havgiyainut. Tapkuat GN-kut atuqpiagahuat piyauninik tamaita naamaktumik atuqtakhat piqaqtitiniqmik hivuganaittumik piyagakittumiklu Utirniq Havaqmun (RTW-ngi), piqaqtitipluni naamaktumik pityutikhainik pityutit.

Tapkuat GN-kut havakniat ikayuqtigiplugit tapkuat havaktit tapkuatlu union piqatigiplugitluniit kivgaqtigiyai, atuqqata, naunaigahuaqhugit naamaktumik havat pivaliatitnilu inmigugutit Utirniq Havaqmun upalungaiyautit havaktiuyunut.

IHUMAGIYAUYYUT

Una maligaq hivuligutauyuq tapkunanga Inuit Inuuhinut Pinnagiyainit ihumagiyainitlu:

- *Tunnganarniq*: Piguqitnahuaqni aliahukniq hatqiumapluni, tunnganaqhunilu tamatqinahuaqhunilu. Tapkuat GN-kut piqaqtitniaqta ihuaqhigiagutini havaktit pimmaqlutilgit ayuqnaigiat hivuganaittumiklu pilaliqat, hivuganaittumik ikayurtuqlugulu Utirniq Havaqmun upalungaiyaut, piplugu tamna piyaqangitnia akhuqtitauniq.
- *Piliriqatigiinniq/Ikajuqtigiinniq*: Havaqatigikniq atauttimut. Tapkuat GN-kut havaktitlu havaqatigittiaqniat naunaiqninik naamaktut havat piyagakittumik piplugu.
- *Aajiiqatigiinniq*: Ihumaliurniq angiqatigiklutik. Tapkuat Utirniq Havaqmun upalungaiyaut pihimaniat tapkuat ikayuqtigikniq tapkuat havaktituyut havaktitlu ilautitlugit atuttiaqtunik pilaqnit tuhagakhat piqaqtitni ayuitnilgit Aaniaqtailiniqmun Munaqhityutit Piqaqtityut.
- *Inuuqatigiitsiarniq*: Upiguhukniq ahiinik, piqatigiknit nagluginilu inuit. Tapkuat GN-kut ilittugiyai atuqpiqnit ikayuqtuiniq pihimanilu havaktit upigiplugit.

ATUQTAUNIT

Una maligaq atuqtuq tamaitnut havaktit tapkunani GN-kut tahapkualuttauq havaktiuyut inungnut timigiyauyunut. Piyaqaligangat ayuqnaigangatlu, havaktit piqaqtitiniat ahiagulagutunik ihuaqhigiahimayutluniit havat pihimayut ayuitnigiyanut pilaqnitlu. Tapkuat Utirniq Havaqmun pityuhit pigiaqtut qilamik kinguagut tana aanirniq/aaniarniq atuqaqtitlugu.

UNNIQTUTIT

Tahapkuat unniqtutit atuqtut uumunga maligaqnut:

Ihuaqhigiagutini Pityutit tamna hugiarniq ihuaqhigiagutillaknit, hivituyumut, atuinaqtukhanikluniit pilaiqhimani havaktit havaginirik ilanganik tamaatluniit taphuma havagiya.

Pimmaqlut tukilik tamna qanugitniq piyaqania mikhigiqni timimut ihumaliqutinutluniit pilaqnit piplugit havaktit ininik aanirniq aaniagutluniit. Pimmaqluktut pillalat, hivituyumut, atuinaqluguluniit.

Aaniarniq tukilik tamna aaniarniq qanugitnia timiup ihumapluniit.



KIINAUYALIQIYIKKUT

UTIRNIQ HAVAQMUN MALIGAIT

Havaginia Ihuaqhihmapkaqnia tamna maligaqtigut piyaqaqnia atuqhugit tapkuat Nunavut *Inungnut Pilagutit Piquyat* tapkuat pipkaqtai havaktituyut naunaiqnit ahianguqnilu kitutliqak maligait, pitquhit, nigugiyat, pityuhitluniit pihimayut pilaqtutluniit naamangittumik aktuanit tapkununga Nunavut Inungnut Pilagutit Piquyat (NHRA-ngi) pittailitit hunat. Tapkuat GN-kut havalgit ihuaqhityutinit piplugit piyauni atugiaqangittut akhuqtitnit.

Havaktit/Havaktuq tamna inuk havaktuq havamik piplugu, ilakhanikluniit kivgaqtuiyuq tapkununga GN-kut manikhauhikhanut, pitaqtuqlu tiliugutinik ilihautikhanikluniit tugangayunik GN-kut nanminigiyaunilut. Ilautitlugit ubluq tamaat, ublup ilainaani, ukiup ilagiyani, atulaktut, havakaphulaktut kikkilitvikhaittutlu havaktit.

Aaniaqtailiniqmun Munaqtit tamna taakti, munaqhi, timimun ihuaqhaiyyi, makiktatinut ihuaqhaiyi ahiiluniit kitutliqak titigaqtaqhimayut aaniaqtailiniqmun munaqhiyit.

Inmiguqtut Aaniagutininut Naunaiyautit tamna aaniagutininut naunaiyaut inuup pilaqninut nigugiyauunilu naamakhivikhai aaniagutininut aaniagutininut havagiyauyuq taihimayumik aaniaqtailiniqmun munaqti ahia taphuma inminut aaniaqtailiniqmun munaqtigiya tukhiqta havakvigiyata.

Ihuaqhigiahimayuuq Havaq tamna kitutliqak havaq, hanayaq, atuqtaq ilagikniluniit hanayat atuqnitlu tapkuat havaktup pimmaqlutit pilaqtai hivuganaittumik havakni. Una havaq ilaliutitlaqta, kihimitungittuq, havagiyauvaknit ahianguqhimayut, hanatyuhikhaliutqikhaqhimayut takukhauniluniit ihuaqhigiahit. Una ilaqalaq mikhigiahit pivikhat aktilangiluniit, ahianguqni havagiyat, havagialgitluniit tuniuqaqni ahiinut havavikmi, havaqluniit taihimayuuq hanatyuhikha havaktimut piqatauyumun ihuaqhigiahimayumi havat upalungaiyautit. Tamna havaq pityutiqaqialik.

Havagiyamun Aanirniq/Aaniarniq tamna tamaita havagiyamun pimmaqlutit ilalgit pityutit timigiyamun aanirniq ihumaliqutitnutlu ihumaalutit hatqiqtut taphumanga huliniq havavikmi. Havagiyamun aaniarniq aanirniqluniit aulatauyut malikhugit tapkuat Havaktit Utiqviunit Piquyat.

Utigiami Havaqmun Upalungaiyautit tamna upalungaiyaut pivaliatitahimayuuq piplugu ihumagiyauunilut aaniagutininut tuhagakhat tamnalut/tamnaluniit pinahuatanut ayuqharniq tamnalut/tamnaluniit kikkilittautit naunaigat havaknianik aaniqtailiniqmun munaqtimin. Tamna pityuta taphuma havalitqikniqmun upalungaiyaut ikayugiahit havaktuq utiqnia naamaktumut pityutilikmutlu havaq pilaliqat hivuganaittumik aaniaqtailiniqmutlu pilaliqat. Tamna havalitqikniqmun upalungaiyaut pinguuqtauhimayuuq ikayuqtigikhit tapkuat havakti tamnalut havaktituyuuq.

Atuqniliq Havaq piyalik pityutilik havaq:

- tamna havakti pilaqta (tamnalut pihimalaqta atuqniliqmut ppilaqnit);
- tamna havakti pitaqhimayai ayuitnit piyanga, pilatluniit hivuganaittumik ilihautinia piyakha;
- tamna pipkaingittuq aaniaqtailiniqmun hivuganarniqmutluniit pilaqnia havaktimut havaqatitnutluniit; tamnalut
- tamna ihuaqhiyai aaniqniahaqtitlugu manikhauhit, ayuqnaittagangat



Piyaqangittut Akhurnaqnit tukilgit pivalaqtitni akhurnaqnit naunaiqtai naunaiyaqhugit tapkuat ihuittumik piyaunit piqaqtitninut pihimani pityutauyut tahapkuatut:

- a) Aaniaqtailiniq hivuganaitnitlu;
- b) Ulapiahutauni inungnut;
- c) Atuqnia katuragutinut atugiaqaqnit;
- d) Akitunia; tamnalu
- e) Nanminilgup piyagakitnia.

HAVAT HAVAGIYATLU

Tamna Utirniq Havaqmun Qauyimayi

Tamna Utirniq Havaqmun Qauyimayi havalik tahapkununga:

- Pivaliatitni Utirniq Havaqmun Hivuligutit atuqpalianinut tapkuat Utirniq Havaqmun maligait, tuhaumatyutit maligaqmun, munaginilu atuqtaunit tapkuat maligait;
- Tuhaqhitni tapkuat WSCC-kut, union-nguyut, havaktituyut havaktitlu tapkuninga Utirniq Havaqmun havagutit pilagutitlu havagiyauyutlu atuni piqatauyunit;
- Atuqpiqaqtitni kayuhini tuhaumatyutit tapkununga piqatauyut atuqtitlugu tamna Utirniq Havaqmun pityuhit;
- Atuqpiqaqtitni havaktuq, havaktituyuq, ahiilu piqatauyut ilauyut kangiqhimani hunanik nigiluaqnit hunatlu ikayuqhiutiyaqgit tapkununga pityuhit;
- Ikayurniq pivaliatitninik inmiguqtitnilu tapkuat Utirniq Havaqmun upalungaiyautit tamnalu
- Ikayurniq piyaqaligangat ihuaqhigianik Utirniq Havaqmun ihuityutit.

Maniyauyut Kamaiyuyutlu

Tamaita maniyauyut kamaiyuyutlu havalgit malikhaqninut tapkuat Utirniq Havaqmun Maligait tapkuatlu Utirniq Havaqmun Hivuligutit, tapkualuttauq havagini, kihimik kikkilittautigingitai tahapkuat:

- Atugahuaqtitni hivuganaittumik havat pitquhit ikayurtuqnilu tapkuat pinahuaqni Kavamatkut aaniaqtailiniq hivuganaitniqlu havagutit;
- Tuhaqhitni tamaita havaktit tapkuninga Utirniq Havaqmun havagutit atuqpiqaqtitnilu tamaita havaktit ilihimayangit pilagutimingnik atugiakhait;
- Tuhaumatitni havaktit tapkuninga tuhaqhittautit pityuhit havagiyailu havagiyanut havagingitanutlu aanirniq aaniarniqlu;
- Ihuaqhihimani atuqtauqattaqni tuhaumatyutit havaktumut qakutikkut tapkuninga aanirniq aaniarniqluniit, atuqhugit tapkuat Utirniq Havaqmun pityuhit tuhagahuaqhuni qanuqtut piyakhai, naunaiqnilu mikhaani utiqvikhai havakniqmun;
- Naunaiyqni kitutliqak aaniarniqmun tuhagakhat tuniyauyut taphumanga havaktumin tukhiqnilu angigutit hulivalliq aaniarniq/aaniaqtailiniq tuhagakhat piyaqagangat;
- Ikayuqtigikniq havaktuqlu, aaniaqtailiniqmun munaqti, union kivgaqtia (atuqqat), WSCC-kut (atuqqat) tamnalu Utirniq Havaqmun Qauyimayi pivaliatitninik tamna Utirniq Havaqmun upalungaiyaut;
- Kamagini munaginilu tapkuat Utirniq Havaqmun upalungaiyautit;
- Pipkaqnia atulaqni tukhigautit piyagakittumik, naamaktumik piplugit, pinahauqhugu atugiaqaqnitni akhugutaunit;
- Pihimani tuhagakhat/aaniaqtunut titiqat quyagitnaq tuahumalaitnit.

Havaktit



KIINAUYALIQIYIKKUT

UTIRNIQ HAVAQMUN MALIGAIT

Tamaita havaktit tapkunani GN-kut tapkuatlu inungnut timigiya havalgit tapkuat maliktauninut tapkuat Utirniq Havaqmun Maligait. Havaqaqmiyuttauq tapkuatungittunut tahapkuat:

- Ilihimani maliknilu titigaqhimayut hivuganaitniqmun maligait pityuhitlu tamaat;
- Tunini naamaktut inmingni hilataanilu (WSSC-kut) tuhaqhitautit tatatiqvit havagiyanut qanugilitnit;
- Tukhigaqni atuqgialgit piyaqaligangata atugahuaqunilu naamaktunik piyaunita, ayuqnaitpat;
- Havagini inmiguqtut aaniagutinut naunaiyainiq (IME-ngi) piyagangat havaktip naamaktumik tukhiqnit;
- Piqaqtitni [hivutunikhangit](#) piyauni aaniaqtunut havaktiupiaqtup pihimaligangat;
- Tuhaqhitnia tamna havaktituyuq ahiangiqlunilik atuqtitni piyalgit, ihumaalutitluniit havaktauniqmun, ihuaqtit, havat havagiya, ahianguqnilu qanugitnit, ahiilu;
- Ihuaqhihimani tuhaumatyutit havaktitiumun piqaqtitnirik nutanguqtunik havaguhinut pilaqnit atuqtitlugu naamakhittiqnia;
- Ikayuqni naunaiyautit atuqtunut havat, angiqni naamaginilu havat piyaqaligangat.
- Piqatauniq naamaktunik ilihautiyauphaqniq pitquyauyagangat havakvigiyamin piyaqaligangat.

Aaniaqtailiniqmun Piqaqtitiyi (HCP-ngi)

- Naunaiyaqni ihuaqhaqnilu aaniagut aanirniqluniit piplugu havagininut havat;
- Iniqitni tuninilu naamaktut titiqat tapkununga WSSC-kut havaligangata havakti pihimayuq havakvikmi aanirniq/aaniarniq;
- Piqaqtitni naamaktumik, atuttiaqtumik aaniaqtailiniqmun munagini tapkuat ikayuqta pitaqnit piyagakipkaqtailu utiqni havattiarumik havakniq;
- Piqaqtitni tuhagakhat havaktup atuttiaqninut pilaqnit tukhigauyagangata havakvikmingnit, tamna havakviuyuq tapkuatluniit WSSC-kut;
- Atugahuaquya pityuhit tapkuat havat ihuaqhigialaqnit pipkaqninut akhuqtitpalangitni atuqtunut aaniqhimayut qanugitluniit;
- Pinguqitni ihuaqhihimani angmaumayumik tuhaumatitni tapkuat havakviuyut, ihumagiplugit aaniaqta quyagitnaq tuhaumayaulaitni.

TUGANGAYUT PIQUYAT

Inungnut Pilagutit Piquyat (Nunavut)
Havaktit Utiqviunit Piquyat

HAVAGUTIT

Utirniq Havaqmun Havagutit

IHMAMILAQNI TAPKUAT MINIHITAUYUT KATIMAYIT

Piittuq uumani Maligait piyaqangittut qanuqluniit pipkagahuaqni pittailitai tapkuat ihumamilaqnit tapkuat Minihitauyut Katimayit ihumaliurniqmik hugiaqniluniit piplugit ukuat Maligait.

KIKLITVIKLHA UBLUA

Una maligaq atuliqniaq tikittiqlugu nutanguqtaunia himauhiqniaqniluniit. Una maligaq naunaiyaqtauniaq qangiqtitnagu 5 ukiut taphumanga ubluanit sainiqtaunia.